

Ugovorne strane:

Ugovorni organ: MUP KANTONA SARAJEVO, La Benevolencija broj 16 IDB/JIB: 4200220350006, koje zastupa ministar Admir Katica (u daljem tekstu: Naručilac) i

“ITC” d.o.o. Zenica, ulica Zmaja od Bosne bb, IDB/JIB: 4218146790003, koje zastupa direktor, prof. dr. sc. Suvad Isaković (u daljem tekstu: Izvođač)

zaključile su:

U G O V O R **o izvođenju radova (prva faza)**

PREDMET UGOVORA

Član 1.

Predmet ugovora je nabavka građevinsko-zanatskih radova na dogradnji policijskog objekta PS Novi Grad (prva faza), a prema zaključenom Okvirnom sporazumu broj 01-11-4-6609-3 od 24.02.2023. godine i uslovima iz ponude broj 1400-1-61 od 28.12.2022. godine, koja čini sastavni dio ovog ugovora.

Nabavka je izvršena na osnovu Odluke o pokretanju postupka broj 01-11-4-6609 od 18.11.2022. godine, Obavještenja o nabavci broj 1364-1-3-88-3-62/22 od 05.12.2022. godine i Ispravke obavještenja broj 1364-1-3-88-8-72/22 od 13.12.2022. godine.

CIJENA

Član 2.

Vrijednost radova prve faze, bez PDV-a iznosi 450.316,17 KM, (četiristotinepedesethiljadatristošesnaest i 17/100 KM), iznos sredstava za izvođenje radova koja su "operativna"/raspoloživa.

Ukupna vrijednost radova, sa uračunatim PDV-om iznosi 526.869,92 KM (petstotinadvadesetšesthiljadaosamstotinašesdesetdevet i 92/100 KM).

PLAĆANJE

Član 3.

Plaćanje izvođaču radova izvršit će Naručilac na transakcijski račun Izvođača u roku od 30 dana od dana ispostavljanja svake privremene situacije prethodno ovjerene od strane ovlaštenog nadzornog organa.

Izvođač se obavezuje da u toku ugovornog perioda neće doći do promjene cijena iskazanih u ponudi osim u slučajevima koje propisuje član 75. Stav (5) Zakona o javnim nabavkama.

OBIM RADOVA

Član 4.

U prvoj fazi Izvođač radova se obavezuje na izvođenje građevinsko - zanatskih radova, hronološki (grubi građevinski radovi, uzemljenje i drenaža), a do ugovorenog iznosa prema izdvojenom predmjeru i predračunu iz ponude broj 1400-1-61 od 28.12.2022. godine (izdvojeni predmjer radova u prilogu).

ROKOVI

Član 5.

Rok izvođenja radova prve faze je do 50 radnih dana od datuma početka radova.

Ovaj ugovor postaje pravosnažan nakon obostranog potpisivanja istog i vrijedi do isteka krajnjeg datuma realizacije prve faze radova.

PRAVA I OBAVEZE

Član 6.

Naručilac se obavezuje da će obezbijediti svu projektno-tehničku dokumentaciju potrebnu za izvođenje radova i zajedno sa nadzornim organom, Zavodom za izgradnju Kantona Sarajevo, Izvođača radova, uvesti u posao.

Član 7.

Izvođač radova se obavezuje da će građevinsko-zanatske radove izvesti u skladu sa članom 7. Okvirnog sporazuma broj 01-11-4-6609-3 od 24.02.2023. godine.

UGOVORNA KAZNA

Član 8.

U slučaju prekoračenja rokova predviđenih dinamikom izvođenja radova, izvođaču radova se umanjuje naknada za izvedene radove za svaki dan prekoračenja u iznosu od 0,5% a obračunava se na ukupno ugovorenu vrijednost, potpisanog ugovora.

Ukupna obračunata kazna zbog kašnjenja ne može biti veća od 5% od vrijednosti ugovora.

Član 9.

Po izvršenju radova Nadzorni organ iz Člana 6. ovog Ugovora će izvršiti pregled i o eventualnim nedostacima izvijestiti Izvođača radova, koji je dužan iste otkloniti u roku od 7 (sedam) dana od dana obavijesti, o svom trošku.

BANKOVNE GARANCIJE

Član 10.

Izvođač radova se obavezuje da u roku od 10 dana od obostranog potpisivanja ugovora dostavi безусловnu bankarsku garanciju za uredno izvršenje ugovora na 10% od vrijednosti ugovora (ugovorenih radova) koja traje u periodu roka za izvođenje radova (rok za realizaciju ugovora) plus 60 (šezdeset) dana.

Ista će se aktivirati ukoliko Izvođač radova ne izvodi radove na vrijeme, ukoliko ne poštuje zahtjeve Naručioca ili Nadzornog organa, ukoliko grubo krši odredbe ovog Ugovora, ukoliko radove ne izvodi u skladu sa Zakonom o građenju, pravilnicima i normativima za ovu vrstu radova, ukoliko ne otkloni nedostatke na koje Nadzorni organ ukaže prilikom izvođenja radova, ukoliko dode do kvarova ili oštećenja na završenom objektu, a izvođač radova iste ne otkloni u roku od 7 (sedam) dana ili ukoliko ne ugrađuje materijale traženog kvaliteta.

GARANTNI ROK

Član 11.

Garantni rok za izvedene radove je dvadesetčetiri (24) mjeseca, od dana primopredaje izvedenih radova po ovom ugovoru. Izvođač radova se obavezuje da će sve nedostatke i kvarove, nastale usljed loše i nestručno izvedenih radova, a koji se pojave u garantnom roku, otkloniti u roku od 7 (sedam) dana po prijavi Naručioca.

RASKID UGOVORA

Član 12.

Naručilac može raskinuti Ugovor i aktivirati garanciju za dobro izvršenje ugovora u slučajevima propisanim u članu 12. Okvirnog sporazuma broj 01-11-4-6609-3 od 24.02.2023. godine.

ZAVRŠNE ODREDBE

Član 13.

Sve što je predviđeno ovim Ugovorom, primjenjuju se odredbe Zakona o javnim nabavkama, Zakona o upravnom postupku, Zakona o građenju, Uzanse o građenju i odredbe Zakona o obligacionim odnosima

Član 14.

Sve eventualne sporove i nesporazume koji bi mogli nastati iz ugovora ili povodom ugovora iz ovog okvirnog sporazuma, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ugovorne strane su saglasne da je u slučaju eventualnog spora po ovom Ugovoru nadležan Općinski sud u Sarajevu.

Član 15.

Okvirni sporazum je sačinjen u 6 (šest) istovjetnih primjeraka od koji svaka strana zadržava po 3 (tri).

Član 16.

Ovaj okvirni sporazum stupa na snagu danom potpisivanja od strane ovlaštenih lica, a traje do realizacije ugovorenog iznosa.

IZVOĐAČ
ITC d.o.o. Zenica

direktor, prof. dr. sc. **Suvad Isaković**

Broj: 2700-23/p
Dana: 25.4.2023.

NARUČILAC
KANTON SARAJEVO

ministar **Admir Katica**

Broj: 01-11-6609-4
Dana: 18.6.2023. godine

